

**sullissivik.gl -imi allannermi
maleruagassiat aamma
linkilertitsinermi malittarisassat**



Allannermi maleruagassiat

sullissivik.gl-ip imarisai nunatsinni innuttaasunut atungassanngorlugit pilersitaapput, innuttaasullu pisorta qarfinni sulianut tunngatillugu immikkut oqaatsit atorneqartartut tamatigut ilisimasaqarfigineq ajorpaat. Taamaammat pingaaruteqarpoq illit pisorta qarfimmiit ilisimasalittut imarisamik allanninni paasinartumik atuaruminartumillu allattarnissat, oqaatsit Nunatsinni innuttaasunit tamanit paasineqarsinnaasut atorlugit.

Oqaatsinut malittarisassat

sullissivik.gl-imi imarisat tamarmik kalaallisut qallunaatullu atuarneqarsinnaapput, oqaatsinilu taakkunani paasissutissat tamarmik assigiillutik. Imarisaq aatsaat sullissivik.gl-imut ikkunneqartarpoq paasissutissat kalaallisut qallunaatullu allaqqagaangata.

Paasissutissat kalaallisut qallunaatullu assigiimmik allaqqassapput

Paasissutissat tamarmik kalaallisut qallunaatullu allaqqassapput. Imarisaani taavalu fiilit imarisaanut attuumassutilinni. Imarisaani qallunaatut/kalaallisut allanngugaqaruit, oqaaseqatigiit taakkoqqissaat kalaallisut/qallunaatut allanngortinnissai isumagissavat.

Oqaatsit paasiuminartut

Imarisami paasissutissat inatsisit atuuttut aallaavigalugit allataapput, taakkunanilu paragraffit inatsisillu oqaasertaat paasiuminartumik paasissutissiarineqartarput. Pingaarnertut atuartussa qitiutissavat, atuisuniillu paasissutissat pisariaqartinneqarnerpaasartut eqqumaffigalugit – suna tamaat ilisimasaqarfigereeraattullusooq inissinnagit. Paasissutissiisaasi ingerlariaqqinnissaannullu ikiorlugit. Allaaserisavit imarisaanut tunngatillugu atuortoq nalornissuteqarsinnaavoq. Taamaammat suliarisartakkannut atatillugu immikkut oqaatsit atortakkavit atunnginnissat pingaaruteqarpoq:

Inatsisit oqaasertaat	Paasinartunngorlugu allataq
”Matumuuna 14.juuni 2001-imi qinnuteqaatit innersuussutigalugu inatsisinik nalunaarut nr. 256 13. januaari 1996-imeersoq tunngavigalugu ineqarnermut ministereqarfiup kaajallaasitaa nr. 324 naapertorlugu illup allinissaanut qinnuteqaatit akuerineqarmat nalunaarfigineqassaatit, illoqarfiup pilersaarusionerani aalajangersakkat pillugit kaajallaasitami nr- 13-imi 27. marts 1997-imeersumi piumasaqaatit eqqortinneqarsimappata.”	”Illut allisinnaavat, massakkut portussusaanit portunerussanngippat, allissutaatalu annertussusaa pioreersumit 40%-imit annertunerunngippat.”

Malugiuk: sullissivik.gl-imi tamatigut imarisat tunngaviannut inatsisinut linkeqartuaannarpoq.

Toornilersuilluni inissitsiterineq

Pingaarnerit siulliullugit atuaruminartumik allagit, allatallu oqimaatsut atuaruminaatsullu pingitsoortinniarlugit toornilersuinikkut agguarlugu. Atuartussamut paasissutissat suut pingaarnerunersut nalileruk. Paasissutissat allannerani oqaaseqatigiinnik naatsunik allagit, oqaatsillu ulikkaarutaannaat pisariaqanngitsut peerlugit. Allannertaa takippat atuaruminartunngortinniarlugu toornilersuinikkut paasissutissat inissitsiterneqassapput:

Allannertaa takisooq oqaatsinik ulikkaarutaannarnik imalik	Toornilersorlugu immikkoortukkaarnera
"Paasissutissat uku: inuup normut, aqqit, najukat, ilinniakkat aamma pikkorissarnerit qinnuteqaammi ilanngullugit allakkatut uppersaatit kakkiullugit nassiunneqassapput, taakku qinnuteqaammut akuerineqarnissamut pingaaruteqarmata."	"Qinnuteqaatinni paasissutissiisutigissavatit: <ul style="list-style-type: none">• Inuup normua• Ateq & kinguliaqut• Najugaq• Ilinniagaq• Pikkorissarnerit

Maleruagassiat pingaarnerit pingasut

sullissivik.gl-imi imarisap allannerani immersugassap qanoq allanneqarnissaannut maleruagassiat pingaarnerit pingasuupput.

Maleruagassiaq 1: Marlorsiuat atoruk (kinaassusersiutit aappaat atorlugu oqaluttuatoq)

Imarisamik allattup "kinaassusersiutit aappaat ataasersiut" atorlugu allassaaq, taamaasiornikkut imarisami atuartussaq toqqaannartumik saaffigineqassammat.

Ilisarnaat nalinginnarsiut atornagu	Pitsaaneruvoq ima allakkuit
"Kommunimut saaffiginnittoqassaaq"	"Illit kommunerisannut saaffiginnissaatit."

Imarisamik allattup "kinaassusersiutit aappaat qasseersiut atorlugu oqaluttuatoq" atussangilaa, erseqqissumik allassimassammat oqartussat sorliit imarisami paasissutissanik akisussaasuunersut:

Kinasassusersiut siulleq qasseersiut atornagu	Pitsaaneruvoq ima allakkuit
"Noqqaassutit suliaravut"	"Akileraartarnermut Aqutsisoqarfimmi Sulisitsisut Allattorsimaffianniik noqqaassutit suliarineqassaaq."

Maleruagassiaq 2: Oqaluut pisorsiuat atorlugu allagit (oqaluutit pisorsiuatit)

Imarisamik allattup erseqqissumik allassavaa kia suna suliarissaneraa atuartussallu apeqqutigisinnaasai akillugit. Oqaaseqatigiit pisorsiuatitallit iliuuseqarnissamillu imallit allakkit ingerlanermik pineqartumut takutitsisut:

Oqaaseqatigiit ersarinngitsumik iliortullit/susullit atornagit	Pitsaaneruvoq ima allakkuit
"Qinnuteqaatit nassiunneqarput, suliarineqarlutik akineqarlutillu"	"Qinnuteqaatit kommuuninnut nassitissavat. Qinnuteqaatit kommuunivit suliarereerpagu allakkatigit akissutisissaatit."

Maleruagassiaq 3: Maannakkut pisutut aamma siunissamut pisussatut allagit
 Imarisanik allattoq **Oqaluut pisorsiut maannakkut pisoq**, **oqaluut pisorsiut maannakkut pisut siornagut pisoq** aamma **Oqaluut pisorsiut qaqugu pisussaq** atorlugit allassaaq:

	Maannakkut pisoq	Maannakkut pisut siornagut pisoq	Maannakkut pisut siornagut pisoq	Maannakkut pisut siornagut pereersimasooq	Siunissami pisussaq
Pisorsiut	Qinnuteqaat illit nassiuppat	Qinnuteqaat nassiunnikuuat	Qinnuteqaat nassiutereerpat	Qinnuteqaat nassiutereersimavat	Qinnuteqaat nassiutissavat
Passivi	Qinnuteqaat ilinnit nassiunneqarpoq	Qinnuteqaat ilinnit nassiunneqareerpoq	Qinnuteqaat ilinnit nassiunneqareerpoq	Qinnuteqaat ilinnit nassiunneqareersimavoq	Qinnuteqaat ilinnit nassiunneqassaaq
	Qinnuteqaat ilinnit nassiunneqarpoq	Qinnuteqaat ilinnit nassiunneqarpoq			

Oqaatsit (qallunaatut allaqqasut) paasiuminartut

Atuartussamut oqaatsit paasiuminaassinnaasut paasinartunngortikkitt:

Ima allannak	Pitsaaneruvoq ima allakkuit
Angående, vedrørende, desangående, hvorvidt	Om
Således, hvorfor, følgelig	Så/Derfor
Såfremt, forudsat, dersom	Hvis
Endvidere, ligeledes, tillige	Også
Fornøden	Nødvendig
Fremsende, tilsende	Sende
Grundet	På grund af
Samtlige	Alle

Assersuutit allat:

Atornaveersaakkit	Ima allannak	Pitsaaneruvoq ima allakkuit
Suliamut atatillugu oqaatsit immikkut atornerqartartut	1. Den bidragsforpligtede 2. Refusion	1. Den der skal betale 2. Få penge tilbage
Oqaasiliat	Socialikkut	Inunnut isumaginnittoqarfik
Oqaasersiat	Adviseringeqassaatit primo maj-imi	Maajip aallartinnerani tusagaqassaatit
Paragraffit	Inatsisartut peqqussutaat nr. 6, 2. maj 1996-imeersoq naapertorlugu	(atorneqassanngillat)
Naalisaanerit	Il.il., ass., naleqq.,	Ilaalu ilanngullugit, assersuutigalugu, naleqqiuguk

sullissivik.gl-imi kisitsisit

Kisitsisit naqinniutinnagit allakkitt:

Ima allannak	Pitsaaneruvoq ima allakkuit
ataaseq, inuk naallugu, EtTusinde FemHundredeSeksogHalvfems	1, 20, 1596

Linkilertitsinermi malittarisassat

Linkit sullissivik.gl-iimiittartut ukuusinaapput:

- Immersugassat digitaliusut sullissivik.gl-imiittut (toortagaq sungaartoq)
- Imminut sullississutit sullissivik.gl-imut atassusikkat (toortagaq sungaartoq)
- Linkit nittartakkanut allanut ingerlatitseqqiisartut (igalaasaq nutaaq ammartarpoq)
- Allagartaq PDF-filiusoq (immersugassaq, naqitaq paasissutissiaq, ilitsersuut)
- Imarisat allat sullissivik.gl-imiittut ("Aamma atuarsinnaasatit"-miittut)
- Namminersorlutik Oqartussat inatsisai, peqqussutai, nalunaarutaalu atuuttut (inatsit.gl)

Linkit atsersorneri



Linkip aqqa linkerfigineqartup imarisaanut tulluutissaaq. Sumut linkiunersoq erseqqarissumik allaqqassaaq, innuttaasup/suliffeqarfiutillip takusinnaanerusammagu suna tooruniuk sumut ingerlateqqinneqassanerluni.

Linkit sumiiffii

Allaatigisap imarisaata atuaruminartuunissaa paasinartuunissaalu eqqarsaatigalugu, allaatigisap imarisaata qeqqani linkit inissinneqartassanngillat.

Linkit tamarmik allaatigisap nanerani, titarnertaami inissinneqartarput.

Imarisap allannerani immersugassami linki kommentarimut ikkutissavat, linkip aqqa tamaat nalunaqutseriarlugu. Taamaasilluta nittartakkamut ikkussuilerutta linki sorleq sumut ikkutassaanersoq nalunnginnerussagatsigu. Imaasiussaait: Linki sumut tunnganersoq erseqqarissumik allaqqassamat, linki qanoq taaguuteqassanersoq allassavat. Sumut linkerisoqarnerisq erseqqarissumik allaqqassamat, URL-adressetaa imaluunniit PDF-filip aqqa kommentarimi allassavatit:

PDF-filimut linki Una toorlugu paasissutissatut quppersagaq "Piniarneq 2023" aajuk	 PDF-fil: Piniarneq2023_KAL
Nittartakkamut allamut linki Una toorlugu efterskolemut nammineerlusi akiliutissasi naatsorsorsigit	 Link tit: https://www.efterskoleme.dk/Pris/Prisbereqner

Fil-it imarisaanut attuumassutillit

Imarisaani fil-eqarsinnaavoq imarisaanut attuumassutilinnik, taakkulu innuttaasumut/suliffeqarfiutilimmut ammagassanngorlugit linkitut tuugassatut ikkunneqartarput.

Fil-it imarisaanut attuumassutillit ukuusinnaapput:

- Immersugassat
- Atuakkat najoqqutassat
- Quppersakkat
- Naqitaq paasissutissiaq
- Ilitsersuutit

Oqartussaasuniit sullissivik.gl-imi imarisaatinni fil-imik attuumassutilimmik linkeqartikkusukkuk-ku, taakku PDF-fil-iussapput DIA KOM-imut nassiussilernerit tamaasa, imarisaata allanneranut immersugassaq immersornikoq nassiutiinnarnagu aamma fil-it attuumassutillit nutarternikut atuuttullu ilanngullugit nassiuttassavatit.

Malugiuk:

Fil-it imarisaanut attuumassutillit tamatigut kalaallisut qallunaatullu allaqqasassapput.

Nittartakkanut allanut linkit

Nittartakkanut niuernermut attuumassutilinnut ussassaarutilinnut/pilerisaarutitalinnut linkerineq ajorpugut.

Linkit nittartakkanut allanut ingerlatitseqqiisartut imarisamiitinneqarnissai innersuussutigineq ajorparput, paasissutissat tamarmik imarisami sullissivik.gl-imiittuutigineqartumi allaqqasinaasussaammata. Taamaallaat linkit nittartakkanut allanut ingerlatitseqqiisartut (soorlu nunagis.gl piniarnermi nunat immikkoortuinik imaqartoq) paasissutissanut allanut attuumassutilinnut tunngangaangata linkerisarpugut.

Nittartakkanut tutsuginartunut sullissivik.gl linkerisarpog. Imarisaatissinni nittartakkamut allanut linkeqartikkusukkussiuk, sullissivik.gl-ip nittartagaq pineqartoq misissorumaarpaa, tassungalu linkerinissaq pisariaqanngippallu imarisaani paasissutissat allaqqaannarnissai innersuussutigineqarumarpoq.

Malugiuk:

Oqartussat imarisaatiminni nittartakkanut allanut linkileqartitsigunik, taakku linkit eqqumaffiginissaat pisussaaffigaat, 404-fejlsideqannginnissaa eqqarsaatigalugu.